

ՀԱՇՎԵՏՎՈՒԹՅՈՒՆ

ԱՐՄԱՎԻՐԻ ՄԱՐԶԻ ԴԱՇՏ ՀԱՄԱՅՆՔԻ ԴԵՎԱՎԱՐԻ

25.01.2019թ.

Արմավիրի մարզի Դաշտ համայնքում տեղական ինքնակառավարման մարմինների գործունեությունն առավել թափանցիկ և հրապարակային դարձնելու և տեղական ժողովրդավարությունն ամրապնդելու նպատակով, 2018 թվականի ընթացքում կատարված աշխատանքների վերաբերյալ ներկայացնում եմ հաշվետվություն Դաշտ համայնքի բնակչությանը:

Արմավիրի մարզի Դաշտի համայնքն ունի մոտ 1021բնակիչ՝ այդ թվում նաև ժամանակավոր բնակվող անձինք,որոնցից հիմնական մասը զբաղվում է գյուղատնտեսական աշխատանքներով,իսկ ոչ գյուղատնտեսական աշխատանքով՝ բնակչության մոտ 10%:

Համայնքը գազաֆիկացված է մոտ 90%-ով,իսկ մնացած 10%-ի համար այժմ կազմվում է նախագիծ առաջիկայում ամբողջովին գազաֆիկացնելու համար: Ոռոգման ջրի մատակարարման հետ կապված կան որոշակի դժվարություններ, որի հետևանքով ունենք չմշակվող հողատարածքներ:

Խմելու ջրի ջրամատակարարումը շուրջօրյա է:

2018թ. ընթացքում.

-
- կայացել է ավագանու հերթական և արտահերթ թվով 06 նիստ և ընդունվել է ավագանու թվով 42 որոշում,
- ընդունվել է համայնքի ղեկավարի թվով 30 որոշում,
- արձակվել է համայնքի ղեկավարի թվով 13 կարգադրություն,
- համայնքի ազգաբնակչությանն է տրամադրվել թվով 447 հատ տարբեր բովանդակությամբ տեղեկանքներ,
- Մուտք է եղել թվով 260 հատ պաշտոնական գրություն, որոնք քննարկվել են և որոնց ընթացք է տրվել,
- Ելք է եղել թվով 155 պաշտոնական գրություն,
- Մուտք է եղել թվով 27 հատ դիմում,
- Ամսեկան և տարեկան հաշվետվությունները ժամանակին է ներկայացվել մարզպետարան, սոցիալական ծառայություն և վիճակագրական վարչություն:
- Կազմակերպել է անասնազլխաքանակի հաշվառում և ներկայացվել է վիճակագրական վարչություն, ժամանակին կազմակերպվել է հակահամաճարակային պատվաստումներ:

2018թ-ի ընթացքում հրականացվել են հետևյալ աշխատանքները

Համայնքապետարանը առանձնակի ուշադրություն է դարձրել բնակչության սոցիալ-տնտեսական վիճակի բարելավմանը: Համայնքի անապահով ընտանիքներին ցուցաբերվել է դրամական օգնություն՝ բնակիչների բուժման համար, ուսանողների ուսման վարձավճարների համար, բազմազավակ ընտանիքների ընտանեկան պայմանների բարելավման համար և այլն:

Չի անտեսվե համայնքում սգո արարողությունները, յուրաքանչյուր մահացողի ընտանիքին տրամադրվել է 50 000-ական դրամ գումար թաղման ծախս, իսկ հոգեհանգստյան արարողությանը մասնակցվել և ծաղկեպսակ է տարվել համայնքապետարանի կողմից:

Սարտի 8-ի, մայրության ու գեղեցկության կապակցությամբ համայնքի միջնակարգ դպրոցում կազմակերպվել է միջոցառում՝ հյուրասիրությունով, և ծաղկեփնջերով:

Ծաղկեփնջերի և ծաղկեպսակների համար տրամադրվել է 160 000 դրամ գումար:

Սայիսի 1-ին նշվել է աշխատավորների միջազգային օրը:

Համայնքի ղեկավարի և ավագանու ուշադրության կենտրոնում են գտնվում Արցախյան ազատամարտիկները:

Հաղթանակի օրվա կապակցությամբ համայնքում կազմակերպվել է միջոցառում, հյուրասիրություն և համերգ, ինչպես նաև դպրոցում <<Վերջին զանգ>> միջոցառման համար տրամադրվել է 250 000 դրամ գումար:

Համայնքում յուրաքանչյուր ամսվա շաբաթ օրերը իրականացվում է աղբահանություն, որի համար տրամադրվել է 780 000 դրամ գումար:

Համայնքի կենտրոնական հրապարակը, որտեղ կան նորատունկ ծառեր և տեղադրված է խաչքարը, պարբերաբար ոռոգվում և խնամվում են համայնքապետարանի աշխատողների կողմից:

Խաչքարի տարածքում անցկացված է գիշերային լուսավորություն:

Կատարվել է գիշերային լուսավորության ցանցի վերանորոգում և ընդլայնում, որի համար համայնքի 2019 թվականի բյուջեից տրամադրվել է՝ 250 000 դրամ գումար:

Համայնքի զբոսայգու սալիկապատման աշխատանքները ընթացքի մեջ են:

Մատչելի գներով ձեռք է բերվել պարարտանյութ և դիզ. վառելիք, որը բաժանվել է բնակիչներին:

Շոգ ամռանը՝ համայնքի բնակիչները մեկ օրով շրջագայել ու հանգստացել են հարևան Օշական համայնքի <<ՕՇԱԿԱՆ>> հանգստյան գոտում, որի համար տրամադրվել է շուրջ 250 000 դրամ գումար:

Մասնակիորեն վերանորոգվել է մշակույթի տան տանիքը ,որի համար տրամադրվել է 1 162 000 դրամ գումար:

Համայնքի ուսանողներին Երևան տեղափոխելու համար տրամադրվել է անվճար ավտոբուս՝ սեպտեմբերի 1-ից,որի համար համայնքի 2019թվականի բյուջեից տրամադրվել է շուրջ 352 000դրամ գումար:

Համայնքի մշակույթի տանը գործել է ազգագրական պարի խմբակ: Պարի խումբը և դպրոցի աշակերտները տոնական օրերին հաճախ են համատեղ կազմակերպել միջոցառումներ և հանդես եկել մշակույթի տանը:

Մշակույթի տանը գործում է համայնքի գրադարանը,որտեղ առկա է մոտ 4126կտոր գիրք, որից օգտվում են ընթերցասեր բնակիչները,ինչպես նաև համայնքի ուսանողները:

Ամանորյա միջոցառում կազմակերպելու և անցկացնելու համար տրամադրվել է 250 000դրամ գումար:

Այժմ էլ իրականացվում են ակտիվ աշխատանքներ համայնքի ավագանու և համայնքապետարանի աշխատակազմի կողմից համայնքի զարգացման համար:

ԴԱՇՏ ՀԱՄԱՅՆՔԻ ՂԵԿԱՎԱՐ՝

ՀՐԱՆԴ ՊԵՏՐՈՍՅԱՆ

ՔԱՂՎԱԾՔ

2019թ. հունվարի 25-ին կայացած Դաշտի համայնքի
բնակիչների ընդհանուր ժողովի արձանագրությունից

25.01.2019թ. Արմավիրի մարզի Դաշտ համայնքի մշակույթի տանը տեղի
ունեցավ Դաշտ համայնքի բնակիչների ընդհանուր ժողովը:
Ժողովին ներկա էին՝ համայնքի ավագանու անդամները, համայնքա-
պետարանի աշխատակազմի աշխատակիցները, դպրոցի տնօրենը,
Դաշտ համայնքի բուժքույրը, փոստի վարիչը, մանկավարժներ և
համայնքի բնակիչներ՝ թվով 75 մարդ:

Օրակարգում 1. Դաշտ համայնքի ղեկավար՝ Հրանդ Պետրոսյանի
2018թվական ընթացքում կատարած
աշխատանքների հաշվետվությունը:

2. Ընթացիկ հարցեր:

Ձեկուցող՝ Դաշտ համայնքի ղեկավար՝ Հ.Պետրոսյան:

Քարտուղար՝ Աշխատակազմի քարտուղարի ժ/պ՝ Թ.Հովհաննիսյան:

Ներկայացված 2018թվականի ընթացքում կատարած աշխատանքների հաշվետվությունից հետո կայացավ քննարկում:

Ավագանու անդամ՝ Ա.Նավասարդյանը ողջունեց համայնքի ղեկավարի նախաձեռնությունը կապված համայնքը 100%-ով գազաֆիկացնելու աշխատանքների հետ:

Համայնքի բնակիչ՝ Է.Խաչատրյանը նշեց,որ չնայած 2018թվականին վերանորոգվեց մշակույթի տան տանիքի կեսից ավելին,սակայն այժմ լիարժեք չի գործում և հիմնովին վերանորոգման խիստ կարիք է զգացվում:

Համայնքի բնակիչ՝ Թ.Համբարձումյանը բարձրացրեց այն հարցը,որ հողատարածքների մշակությունը դժվարանում է, քանի որ, ասֆալտապատ ճանապարհով թրթուրավոր տեխնիկայով երթևեկը արգելվում է,իսկ համայնքը չունի անհիվավոր գյուղ-տեխնիկա:

Խիստ անհրաժեշտություն կա նոր գյուղ-տեխնիկայի:

Համայնքի բնակիչ՝ Ն.Սահակյանը անհրաժեշտ հարցերից համարեց նաև՝ համայնքի տարածքում ոռոգման ջրի կիսախողովակների 2կմ. անցկացումը:

Բարձրացված հարցերին պատասխանեց համայնքի ղեկավար՝

Ջ.Պետրոսյանը:

Բոլոր ներկա գտնվողները բավարար գնահատեցին համայնքի ղեկավարի կատարած աշխատանքները 2018թվականի ընթացքում:

Նա նշեց նաև,որ ժողովում բարձրացված հարցերը մարզպետարանում կքննարկվեն և կտրվի համապատասխան ընթացք:

Դաշտ համայնքի ղեկավար՝

Աշխատակազմի քարտուղար՝

Հրանդ Պետրոսյան

Թամարա Հովհաննիսյան

Արմավիրի մարզի Դաշտ համայնքի առավել
կարևոր հիմնախնդիրները.

25.01.2019թ.

1. Անհիվավոր տրակտորի և գյուղ.գործիքների ձեռքբերում:
- 2.Մշակույթի տան շենքի հիմնանորոգում:
3. Համայնքը 100%-ով գազաֆիկացնելու հարցը:

Դաշտ համայնքի ղեկավար՝

Աշխատակազմի քարտուղարի ժ/պ՝

Հրանդ Պետրոսյան

Թամարա Հովհաննիսյան

